

ХУҚУҚИЙ ЁРДАМ КЎРСАТИШ ТЎҒРИСИДА ШАРТНОМАСИ № 1

«19» июль 2022 йил

Тошкент шаҳри

“XALQ SUG’URTA” акциядорлик жамияти (*кейинги ўринларда жамият*) номидан жамият устави асосида фаолият юритаётган жамият бош директори в.в.б Темиров Жонибек Абдумовлович, бундан кейин “Буюртмачи” деб юритилиб бир томондан ва иккинчи томондан Тошкент шаҳар “MASTER OF LAW” адвокатлик бюроси раҳбари Имомов Шерзод Умирзокович, бундан кейин “Ижрочи” деб юритилиб қуйидагилар хақида Хуқуқий ёрдам кўрсатиш тўғрисидаги шартномани туздилар:

1. Асосий қоидалар

1.1. Мазкур хуқуқий ёрдам кўрсатиш тўғрисидаги шартнома бундан кейин “Шартнома” деб юритилиб Ижрочи Буюртмачининг топшириғи билан ашёвий шаклга эга бўлмаган қуйидаги хизматларни кўрсатади:

- Жамият фаолиятида юзага келадиган хуқуқий масалалар юзасидан маслаҳатлар, хулосалар ва маълумотлар тайёрлаб бериш;
- Шартномавий-хуқуқий ва талабнома-даъво ишларини юритиш, жамиятнинг мулкӣй ва бошқа манфаатларини ишончли ҳимоя қилинишини таъминлаш;
- Хўжалик юритувчи субъектлар ва фуқаролар билан низолар вужудга келганда, мустакил ёки бошқа таркибий тузилмалар билан биргаликда уларни судгача ҳал этиш чораларини кўриш;
- Тегишли тузилмалар билан биргаликда жамиятнинг дебиторлик ва кредиторлик қарзлари ахволини ўрганиш, уларнинг миқдорини камайтириш чораларини кўриш;
- Шартномавий муносабатлардан келиб чиқадиган низолар юзасидан даъво ишларини юритиш;
- Давлат органи ва ташкилотининг мулкӣй ва бошқа манфаатларини хуқуқий ҳимоя қилиш учун зарур бўлган ҳужжатларни тайёрлашда ҳамда белгиланган тартибда суд мажлисларида иштирок этиш.

1.2. Мазкур шартнома Буюртмачи билан Ижрочи ўрталаридаги фуқаровий-хуқуқий муносабатларини тартибга солиди.

1.3. Ижрочининг иш режими ҳафтанинг олдиндан белгиланмаган иш куни ва вақтида заруриятга қараб ўзига юклатилган хизмат вазифасини бажариш шаклида белгиланади.

1.4. Ижрочи ҳар ойда Ўзбекистон Республикасида меҳнатга ҳақ тўлашнинг энг кам миқдорининг 12 (ўн икки) баробарида хизмат ҳақи (барча солиқ тўловлари билан бирга) билан таъминланади.

1.5. Хизмат ҳақи Ижрочининг банк картасига ўтказиш орқали амалга оширилади.

1.6. Хизмат ҳақи иш ҳажмининг ортиши ёки иш сифатининг яхшиланиши билан боғлиқ ҳолда оширилиши мумкин.

1.7. Буюртмачи мураккаб хуқуқий ишлардаги ютуқлар учун ўзининг қарори билан хизмат ҳақига қўшимча мукофот белгилаши мумкин.

1.8. Буюртмачи Ижрочи томонидан суғурта товон пули тўлашни рад этиш ёки тўланган суғурта товон пуллари регресс тартибида ундириш каби жамият фойдасига ҳал қилинган ишлар натижасига қараб, хизмат ҳақига қўшимча равишда жамият томонидан тўлови рад этилган суғурта товон пули ҳамда жамият фойдасига регресс тартибидан ундирилган маблағларнинг 5 (беш) фоизи миқдорида рағбатлантирувчи устама тўлаб беради.

1.9. Хизмат ҳақи ва унга тенглаштирилган тўловлар кейинги ойнинг 5 (беш) иш кунидан кечикмаган ҳолда тўланади.

1.10. Буюртмачи хизмат сафари ва бошқа харажатларни Ижрочининг асосланган билдиришномаси асосида қоплаб бериши мумкин.

1.11. Шартноманинг умумий қиймати 90 000 000 (тўксон миллион) сўмни ташкил этиб, шартномага асосан бажарилган хизматлар учун тўлов ушбу суммадан ошиши мумкин эмас.

2. Томонлар ҳуқуқлари

2.1. Ижрочининг ҳуқуқлари:

2.1.1. Ўзига юкланган вазифалар ва функцияларни бажариш учун зарур бўлган ҳужжатлар ва маълумотларни Буюртмачидан талаб қилиш;

2.1.2. Буюртмачининг ҳуқуқий масалаларга тегишли йиғилишлар ва мажлисларда иштирок этиш;

2.1.3. Сугурта даъволари билан ишлаш, суд ишларини юритиш, жамият номидан судларда иштирок этиш, МИБ ва бошқа органларда вакиллик қилиш;

2.1.4. Берилган (мавжуд) ҳуқуқлар ва маблағлар доирасида Буюртмачи томонидан белгиланадиган ҳақ, устама, муқофот ва рағбатлантирувчи тўловларни олиш;

2.1.5. Ижрочи амалдаги қонун ҳужжатларига мувофиқ бошқа ҳуқуқларга ҳам эга бўлиши мумкин.

2.2. Буюртмачининг ҳуқуқлари:

2.2.1. Ижрочидан ишни бориши ҳақидаги маълумотларни талаб қилиб олиш;

2.2.2. Ушбу шартнома асосида белгиланган хизмат турларини ўз вақтида ва сифатли бажаришни Ижрочидан талаб қилиш;

2.2.3. Ижрочидан шартнома шартларини бажармаслик ёки лозим даражада бажармаслик натижасида етқизилган зарарни талаб қилиш;

2.2.4. Берилган (мавжуд) ҳуқуқлар ва маблағлар доирасида ўзи томонидан белгиланадиган ҳақ, устама, муқофот ва рағбатлантирувчи тўловларни Ижрочига тўлаш;

2.2.5. Буюртмачи амалдаги қонун ҳужжатларига мувофиқ бошқа ҳуқуқларга ҳам эга бўлиши мумкин.

3. Томонлар мажбуриятлари

3.1. Ижрочининг мажбуриятлари:

3.1.1. Буюртмачи томонидан мазкур шартномага асосан юклатилган вазифаларни амалдаги қонунчилик талабларига риоя қилган ҳолда амалга ошириш.

3.1.2. Буюртмачи ҳудудда меҳнат муҳофазаси ва техника хавфсизлиги қоидаларига риоя этиш.

3.1.3. Буюртмачининг ишончномаси ва топшириғи асосида суд ишларини юритиш.

3.1.4. Буюртмачининг мулкӣ ва бошқа манфаатларини ишончли лозим даражада ҳимоя қилинишини таъминлаш.

3.1.5. Буюртмачининг иқтисодий, техник ва тижорат сири ҳисобланган маълумот ва ҳужжатларини ошқор этмаслик, уларни учинчи шахсларга бермаслик. Қонун ҳужжатларида белгиланган ҳоллар бундан мустасно.

3.1.6. Ижрочига амалдаги қонун ҳужжатларига мувофиқ бошқа мажбуриятлар ҳам юклатилиши мумкин.

3.2. Буюртмачининг мажбуриятлари:

3.2.1. Хизмат ҳақини мазкур шартномада белгиланган миқдорда, тартибда ва муддатда тўлаш.

3.2.2. Иш бажариши учун зарур бўлган ҳужжатлар нусхаларини ҳамда маълумотларни тақдим қилиш.

3.2.3. Хизмат сафари, транспорт харажатлари ҳамда Буюртмачининг топшириқларини ижро қилиш жараёнидаги асослантирилган харажатларни қоплаб бериш.

3.2.4. Буюртмачи амалдаги қонун ҳужжатларига мувофиқ бошқа мажбуриятларга ҳам эга бўлиши мумкин.

4. Хизматларни топшириш-қабул қилиш тартиби

4.1. Ижрочи ушбу шартномада назарда тутилган хизматларни шахсан ўзи кўрсатиши шарт.

4.2. Хизматлар кўрсатилгандан сўнг Ижрочи Буюртмачига кўрсатилган хизматларни топшириш-қабул қилиш далолатномасини тақдим этади ва унга ҳисобот ҳужжатларини илова қилади.

4.3. Хизмат натижаларидан кўникмаган Буюртмачи далолатномани олган пайтдан бошлаб уч кун ичида асослантирилган ҳолда Ижрочига хизматларни қабул қилишдан бош тортиши мумкин.

4.4. Буюртмачининг радномаси асосли деб топилган тақдирда, тарафлар икки томонлама далолатнома тузадилар ва унда қўшимча кўрсатилиши лозим бўлган хизматлар рўйхати ва уларни бажариш ёки бажаришни тўхтатиш муддатларини кўрсатадилар.

4.5. Хизматларни кўрсатиш жараёнида уларни давом эттириш имконияти йўқлиги ёки мақсадга мувофиқ эмаслиги аниқланган тақдирда, Буюртмачи бу ҳақда Ижрочини хабардор қилиши ва у билан бирга зарурий чораларни кўриши шарт.

5. Шартнома шартларини ўзгартириш ёки бекор қилиш

5.1. Мазкур шартнома талаблари ва шартлари бажарилмаган тақдирда Буюртмачининг ташаббуси билан ушбу шартнома бекор қилинади.

5.2. Мазкур шартномага ўзгариш ва қўшимчалар киритиш томонларнинг ёзма тарздаги розилиги билан киритилади бу ёзма ҳужжат ушбу шартномага қўшимча битим тарзида расмийлаштирилади ва унинг ажралмас қисми ҳисобланади.

5.3. Ушбу шартнома муддати тугамасдан олдин ҳар икки томон бошқа томони 15 кун аввал ёзма равишда огоҳлантирилган ҳолда, ушбу шартномани бир томонлама бекор қилиш ҳуқуқига эга.

6. Тарафларнинг жавобгарлиги ва низоларни ҳал этиш тартиби

6.1. Ижрочи ушбу шартнома шартларини бажармаган ёки лозим даражада бажармаган тақдирда, у келтирган зарарни Буюртмачига тўлаши шарт.

6.2. Томонлар ушбу шартнома бўйича юзага келган низоларни келишувга асосан музокара йўли билан ҳал этадилар.

6.3. Музокара йўли билан ҳал этилмаган масалалар қонунчиликда кўзда тутилган суд орқали ҳал этилади.

7. Яқуний қодалар

7.1. Ушбу шартномада кўзда тутилмаган ҳолатлар бўйича томонлар амалдаги қонунчиликка асосан фаолият юритадилар.

7.2. Ушбу шартнома томонлар имзолаган кундан бошлаб кучга киради ва 2022 йил «31» декабрга қадар амал қилади.

7.3. Шартнома бир хил юридик кучга эга бўлган икки нусхада тузилди ва томонларда бир нусхадан сақланади.

8. Томонларнинг манзиллари ва имзолари

“Буюртмачи”	“Ижрочи”
<p>“XALQ SUG'URTA” АЖ Манзил: Тошкент шаҳри, Яккасарой тумани, Шота Руставели кўчаси 9-уй; х/р: 2021 6000 3049 1548 5001 МФО: 0112, СТИР: 207119228</p> <p> Ж.А. Темиров</p> <p></p>	<p>“MASTER OF LAW” адвокатлик бюроси Тошкент шаҳри, Юнусобод тумани, 14-мавзе, 14-уй, 43-хона. Тел: (93) 579-94-41 E-mail: sherimomov1979@yandex.ru Х/Р:20208000605535472001 “Ziraat Bank Uzbekistan” АЖ Юнусобод филиали, МФО: 01138; СТИР: 309 616 412</p> <p> Ш.У.Имомов</p> <p></p>